

Gvangjsih Minzcuz Bau

广西民族报 aenhauh okbanj: CN45-0036 B.2021 Nd.5 Ng.19 liggaeuq sincouj nienz ndwenseiq cobet

Baihguenjbanh:
Gvangjsih Bouxcuengh Swcigh
Minzcuz Cunghgyau Swvu
Veijyenzei
Biengauj okbanj:
Gvangjsih Minzcuz Bause
Geizsoq: Gungh daih 3474 geiz
Geiz neix 8 banj

Luz Sinhse: Doinyoengx Lajmbanj Hwnghoengh Lai Vaiq Hawj Vunzlai Youq Ndei Gwn Van Dem

鹿心社：加快推进乡村振兴让人民群众生活过得更幸福

5 nyied 12 hauh daengz 13 hauh, bousuhgi Swcigh Dangveij, bousuhgi Yinzda Cangzveijvei Luz Sinhse daengz Hozciz Si haeuj gak dieg cazyawj caeuq okmaez. De gangj vah dawnaek gijneix, gyalag ciuq gij vah youqgaenj caeuq gij cingsaenz vixyinx youz Siz Ginbingz cazyawj Gvangjsih le gangj de guh-
daengz caezcup, hwnqguh aen Guengjsae gyaundeisei cujyi miz gij daegsaek Cungguk seizdaih moq lai vaiq dem, ceiq youqgaenj dwg aeu haenqrenz doinyoengx ginghci hwnghoengh, gya vaiq doinyoengx lajmbanj hwnghoengh, lai hawj vunzlai youq ndei gwn van dem. Cijmiz guhhoengh lajmbanj ndeinet, doinyoengx ginghci hwnghoengh, gya vaiq doinyoengx lajmbanj hwnghoengh, lai hawj vunzlai youq ndei gwn van dem. Cijmiz guhhoengh lajmbanj ndeinet, suhgi de guhdaengz caezcup, dangq gijneix baenz aen cwngeci yinvu ceiq daeuz, lai yiemz lai saed guhdaengz caezcup, haenqrenz doinyoengx ginghci ndawbiengz hwnghoengh, baenzsaeh ndeinet angq-hoh aendangj laeb ndaej 100 hopbi.

(Cinz Yizcwz)



Yungzanh: Hagseng Siujsoq Minzcuz Ciengq Gohoengz Angqhoh Aendangj Laeb Ndaej 100 Hopbi

融安：少数民族学生唱红歌庆祝建党100周年

5 nyied 13 hauh, Yungzanh Sizyen Siujyoz aeu "gyo aendangj riengz dangj bae" guh cawjdaez, hagsib son'gyauq lizsij aendangj. Geij bak bousuhgi hagseng baij baenz yiengh "dangjveih" caeuq "100", lauxsae lwnh hagseng rox gij lizsij Cunghgoz Gungcanjdangj bak bi doxdaeuj, gyoengq hagseng siujsoq minzcuz ciengq gohoengz, angqhoh Cunghgoz Gungcanjdangj laeb ndaej 100 hopbi, guhdoi hwnghoengh rox gyoengqde sim gyaenz dangj gyaenz guk.

(Cinz Gozcwng)

Gij Soq Gyauejvunz Siujsoq Minzcuz Gvangjsih Gyalai Lo Gij Ranz Minzcuz Doxgyaux 10 Bi Gyahwnj Gyawj 30%

广西少数民族人口规模扩大 民族混合家庭10年增近三成

5 nyied 13 hauh, Gvangjsih Aen Siujcuj Daiqlingx Baez Daih-caet Bujcaz Gyauejvunz Daengx Guek hai aen hoih lwnh saehmoq, ciuq gij soq baezneix bujcaz ndaej rox, gij soq gyauejvunz siujsoq minzcuz Gvangjsih caeuq gyauejvunz daengx guek caemh gyalai lo, gyahwnj vaiq gvaq gyauejvunz daengx gih, gyauejvunz siujsoq minzcuz ciemq gyauejvunz daengx gih 37.52%, beij bi 2010 gyalai 0.34%.
Gangj daengz gij ranz minzcuz doxgyaux, Gvangjsih bi 2020 gij soq ranz miz Bouxgun caeuq siujsoq minzcuz doxgyaux de beij bi 2010 gyahwnj gyawj 30%, gij soq ranz miz siujsoq minzcuz doxgyaux de beij bi 2010 gyahwnj gyawj 25%.
Aen hoih lwnh saehmoq neix naeuz, gij soq baihgwnz neix langhbaej cingcuj gij yiengh-siengq neix: Haujlai nanz doxdaeuj Gvangjsih gizgiz cungj ciuq minzcuz cwngeci guhdaengz caezcup, yawjnaek hwnghoengh siujsoq minzcuz baenzmaz bae, coinyoengx gak minzcuz guhdoi hwnghoengh hwnghoengh.

(Vangz Lingyenz)

SIUSIK DINJ

简讯

● 5 nyied 13 hauh, Swcigh Caiz-cwngdingh lwnh vunzlai, daengx gih gungh gemjnoix gij cienz dajsuenq guh "cienzyungh sam goeng song yungh" (cienzyungh ok rogguek banh saeh goenggya, cienzyungh ciepdaih gunghvu, cienzyungh baujndei ci gunghvu, cienzyungh hai hoih caeuq cienzyungh sonlien) 3 ik lai maenz, gij cienz gemjnoix ndaej neix comz yungh guh gij hongsaeh nyomq gvendaengz gyauyuz.

(Couh Hungzmeiz)

● Gaiq Cibbet Sam Cung Cienzhohi Aendangj doxdaeuj, Swcigh Dangjveij yamq onj ciuq mbaek doinyoengx hongsaeh gizgiz gyalag gajgwz. 7 bi lai doxdaeuj, gih raeuz gungh ndabaij 1600 lai aen gajgwz yinvu, guh ndaej buek hongbaenz cidu caeuq saedguh, langh rengz hungloet hawj daengx gih ginghci ndawbiengz hwnghoengh.

(Vangz Cunhnanz)

● 5 nyied 15 hauh dwg ngoenz gozci gyahdingz. Ciuq Swcigh Fulenz ceiq gyawj gyoepsuenq, haj bi doxgyawj neix gih raeuz gak dieg gungh miz 13.8 fanh aen "gyahdingz ceiq gyaundeisei", ndawde miz 10 aen gyahdingz ndaej heuhguh daengx guek gyahdingz vwnzmingz, 180 aen gyahdingz ndaej heuhguh daengx guek "gyahdingz ceiq gyaundeisei", 96 aen ndaej heuhguh daengx guek "gyahdingz haj ndei".

(Liuz Li)

● Suenq daengz dangqnaej Vuzcouh Si Cangzcouh Gih cauhaeb 42 aen gih yienghbanj nungzyez linzyez, gungh cauhaeb gih yienghbanj 1.57 fanh moux. Bi' gvaq doxdaeuj, Cangzcouh Gih sonlien nungzminz 856 vunzbaez, hawj nungzminz doxgyawj ndaej hong guh 2838 vunzbaez.

(Banh Dwngh 潘登)